

與神有約百分百、熟讀經文一百節（台漢本）

01. 你著勇敢壯膽！莫得驚，也莫得懍；因為你無論叨落去，耶和華——你的上帝及你佇啲。（約書亞記一章9節）
02. 總是耶和華給撒母耳講：「莫得看伊的容貌及伊身軀的大漢，此人是我所拒絕。因為耶和華啲看無親像人啲看：人看外貌；耶和華是看心內。」
（撒母耳記上十六章7節）
03. 耶和華——我的石磐，救贖我的主啊，願我的嘴所講的、心所想的佇你的面前得著接納。（詩篇十九篇14節）
04. 我曾求耶和華，伊就應我，救我脫離我一切通驚的事。（詩篇三十四篇4節）
05. 著將你的代誌交代耶和華，閣倚靠伊，伊欲互伊成。（詩篇三十七篇5節）
06. 耶和華賜福的人個欲承接土地；互伊咒詛的人欲受滅無。義人的腳步是耶和華所安置；閣伊歡喜伊的路。伊雖莽跋倒亦無到歸身摔落去，因為耶和華用伊的手扶伊。我前少年，今年老，總是未曾看見義人受放揀，亦伊的後裔做乞食。（詩篇三十七篇22-25節）
07. 上帝是阮逃閃的所在及氣力，亦是患難中及時的幫助。（詩篇四十六篇1節）

與神有約百分百、熟讀經文一百節（台漢本）

08. 上帝啊，求你給我創造清氣的心，互我的內面有換新正直的神。
（詩篇五十一篇10節）
09. 著將你的擔卸互耶和華，伊欲扶持你；伊永永無互義人搖油。
（詩篇五十五篇22節）
10. 我的神啊，你著靜靜，專務聽候上帝，因為我的向望是對伊來。
（詩篇六十二篇5節）
11. 我年老的時，求你毋通放揀我！我氣力衰憐的時，求你毋通離開我！
（詩篇七十一篇9節）
12. 上帝啊，我到年老頭毛白的時，求你毋通放揀我！聽候我將你的氣力指示下
代，將你的大權能指示一切將來的人。（詩篇七十一篇18節）
13. 師傅所棄揀的石，已經成做厝角頭的石。（詩篇一一八篇22節）
14. 你的話做我腳前的燈，做我路上的光。（詩篇一一九篇105節）

與神有約百分百、熟讀經文一百節（台漢本）

15. 你的話一下開拆就發出光，互戇人通達。（詩篇一一九篇130節）
16. 厝宅若毋是耶和華起造，起造伊的人就空空著磨；城池若毋是耶和華顧守，就顧守的人空空警醒。（詩篇一二七章1節）
17. 恁著謳啉耶和華！著佇上帝的聖所謳啉伊！著佇伊權能的穹蒼謳啉伊！
（詩篇一五十篇1節）
18. 敬畏耶和華是智識的根本；愚戇的人藐視智慧及教示。（箴言一章7節）
19. 你著專心倚靠耶和華，毋通倚靠你家己的勢，佇你一切所行的事攏著認伊，伊欲指點你的路。（箴言三章5-6節）
20. 你著盡力保守你的心，因為伊是活命的根源。（箴言四章23節）
21. 怨恨會惹起相爭；仁愛會遮蓋攏總的過失。（箴言十章12節）

與神有約百分百、熟讀經文一百節（台漢本）

22. 厚話的人儻免有過失；約束嘴舌的是有智慧。義人的舌親像紋銀；歹人的心無甚麼價值。義人的嘴培養多多人；蠢人因為無知來死。（箴言十章19-21節）
23. 致意佇道理的，欲得著利益；倚靠耶和華的，有福氣。（箴言十六章20節）
24. 人有明理就有活命的水泉；蠢人的責罰就是伊的蠢。智慧的人的心教示伊的嘴；閣給伊的嘴唇加添學問。宛轉的話親像蜜房，心知甜，互骨爽快。（箴言十六章22-24節）
25. 人有見識就無快快受氣；赦免人的過失就是伊的榮光。（箴言十九章11節）
26. 若無默示異象，百姓就放縱；獨獨執守律法的，就有福氣。（箴言二十九章18節）
27. 今斧頭豈會對用伊來剉柴者家己誇口嗎？鋸仔豈會對彼個拖鋸者家己品嘮嗎？這是親像槌仔運轉彼個擗伊者，親像拐仔擗起彼個毋是柴者。（以賽亞書十章15節）
28. 堅心倚靠你的，你欲保守伊十分平安，因為伊倚靠你。（以賽亞書二十六章3節）

與神有約百分百、熟讀經文一百節（台漢本）

29. 主耶和華—以色列的聖者曾按呢講：恁的得著救在佇越倒轉及安息；恁得著氣力在佇平靜及信靠；總是恁無欲。（以賽亞書三十章15節）
30. 獨獨倚靠耶和華者欲得著新的氣力。個欲親像鷹鳥展翅飛高；個走亦無厭，行亦無倦。（以賽亞書四十章31節）
31. 著趁耶和華通尋著的時來尋伊，佇伊相近的時求叫伊。（以賽亞書五十五章6節）
32. 耶和華啊，求你醫治我，我就得著醫好，拯救我，我就得著救；因為你是我所謳嘍者。（耶利米書十七章14節）
33. 主耶和華啊，你曾用大權能及伸出的手創造天地，在佇你無一項儻成的事。（耶利米書三十二章17節）
34. 你求我，我就應你，亦將你所唔知，大閣儻得的事指示你。（耶利米書三十三章3節）
35. 阮無致到滅無，是對耶和華諸個慈愛；因為伊的憐憫無窮盡。主的仁慈逐早起換新；你的誠實極其闊大！（耶利米哀歌三章22、23節）

與神有約百分百、熟讀經文一百節（台漢本）

36. 主耶和華講：看啊，日子欲到，我欲互飢荒到佇此所在。飢荒毋是因為無餅，嘴乾毋是為著無水，就是因為無通聽耶和華的話。（阿摩司書八章11節）
37. 人啊，伊曾指示你甚麼是好。耶和華愛你甚麼？獨獨愛你行公義，心存憐憫，謙卑及你的上帝相及行。（彌迦書六章8節）
38. 耶和華是好，佇患難的日伊做衛所，閣識許個倚靠伊的人。（那鴻書一章7節）
39. 毋是用權勢，毋是用能力，就是用我的神。這是萬軍的耶和華講的。
（撒迦利亞書四章6節）
40. 溫柔的人有福氣！因為個欲承接土地。（馬太福音五章5節）
41. 憐憫人的人有福氣！因為個欲得著憐憫。（馬太福音五章8節）
42. 按呢恁的光著照佇人的面前，互個看見恁的好所行，來歸榮光互恁佇天裡的父。（馬太福音五章16節）

與神有約百分百、熟讀經文一百節（台漢本）

43. 獨獨代先求伊的國及伊的義，就諸個物攏欲續互恁。所以，莫得為著明仔日掛慮，因為彼個明仔日伊欲家己掛慮；一日的艱苦佇一日夠額。
（馬太福音六章33-34節）
44. 求，就互恁；尋，就抵著；拍門，就給恁開。（馬太福音七章7節）
45. 恁見若著磨擔重擔的著就近我，我欲互恁安息。（馬太福音十一章28節）
46. 我心內溫柔謙遜，恁背我的軛，來對我學；就恁的心神會得著安息。因為我的軛是快，我的擔是輕。（馬太福音十一章29-30節）
47. 若有人愛隨我，就著看無家己，奔伊的十字架來隨我。因為，見若愛救伊的生命的，欲失落伊；見若為著我及福音來失落伊的生命的，欲救伊。
（馬可福音八章34-35節）
48. 我實在給恁講，凡若給此個山講：『徙去，攞佇海裡！』心內無僥疑，獨獨信伊所講的的確成，就欲給伊成。（馬可福音十一章23節）
49. 所以我給恁講，見若恁所祈禱來求的，著信是已經得著，就欲給恁成。
（馬可福音十一章24節）

與神有約百分百、熟讀經文一百節（台漢本）

50. 若是我給恁啲聽的人講，對敵恁的，著疼個！怨恨恁的，著好款待個！詈罵恁的，著給個祝福！凌辱恁的，著替個祈禱！（路加福音六章27-28節）
51. 你著盡心、盡性、盡力、盡意疼主—你的上帝；也著疼厝邊親像家己。
（路加福音十章27節）
52. 耶穌講：在人所憎會的，在上帝是會。（路加福音十八章27節）
53. 見若接納伊的，就是信伊的名的人，伊就賞賜個有權成做上帝的子兒。
（約翰福音一章12節）
54. 因為上帝將獨生的子賞賜世間，互見若信伊的人，憎沈淪，會得著永活，伊疼世間到按呢。（約翰福音三章16節）
55. 耶穌給個講：我就是活命的餅。就近我的人，決斷憎朽；信我的人，永永憎嘴乾。（約翰福音六章35節）
56. 我實實給恁講，一粒麥無落佇地裡來死，就猶原一粒若定，死，就結實多多。
（約翰福音十二章24節）

與神有約百分百、熟讀經文一百節（台漢本）

57. 我實實給恁講，信我的人，我所行的伊欲行伊，就比諸個事卡大的亦欲行伊，因為我歸佇父。恁佇我的名凡所求的，我欲行伊，互父佇子得著榮光。
（約翰福音十四章12-13節）
58. 有我的命令閣守伊的人，此個就是疼我；疼我的人欲得著我的父疼伊，我亦欲疼伊，閣將本身顯明佇伊。（約翰福音十四章21節）
59. 我用平安留啲互恁；我將我的平安賞賜恁。我啲互恁，毋是親像世間啲互人的款。恁的心莫得迫腹，亦莫得驚惶。（約翰福音十四章27節）
60. 因為咱偈佇伊來活、來振動，來佇啲。（使徒行傳十七章28節）
61. 因為我無掠福音做見誚，因為是上帝的權能欲救攏總信的人，代先猶太，後來希利尼。（羅馬書一章16節）
62. 閣咱知萬項事相及來互疼上帝的人得著利益，就是照伊定著的旨意來受召者。（羅馬書八章28節）
63. 反轉佇諸個攏總的事，咱對疼咱者得勝到有剩。因為我深信無論是死、是活，是天使、是掌權的，是現今的、是將來的，有權能的，是高、是深，抑是別個受造的物，攏膾會隔斷咱佇上帝的疼；就是佇咱的主基督耶穌所有的疼。
（羅馬書八章37~39節）

與神有約百分百、熟讀經文一百節（台漢本）

64. 兄弟啊，所以我因為上帝的憐憫勸恁獻家己的身軀做祭，是活的，聖的，上帝所歡喜的；這是恁神靈的服事。（羅馬書十二章1節）
65. 莫得及此世間像款，著用心志換新來變化家己，互恁會明白甚麼是上帝善良、通歡喜、純全的旨意。（羅馬書十二章2節）
66. 是照所記載講：目矚未曾看見，耳孔未曾聽見，人的心未曾想著的，就是上帝為著疼伊的人見若所備辦的。（哥林多前書二章9節）
67. 照上帝所賞賜我的恩，我親像智慧的師傅頭，有下地基，別人起佇彼頂面；總是逐人著謹慎怎樣起伊。（哥林多前書三章10節）
68. 逐人的工啲欲露現，是彼日欲顯明伊，因為欲對火來顯現；閣火欲試驗逐人的工是甚麼款。（哥林多前書三章13節）
69. 所以，我按呢啲走唔是親像無定著的方向；我拍拳無親像啲拍空氣。我拍我的身軀到殄殄，互伊降服，驚了我已經傳互別人，本身豈採抵著拒絕。
（哥林多前書九章26-27節）
70. 凡事攏通，總是無攏有利益。凡事攏通，總是無攏建立德行。
（哥林多前書十章23節）

與神有約百分百、熟讀經文一百節（台漢本）

71. 所以，恁或是食或是飲，或是做甚麼，攏著因為榮光上帝來做。
（哥林多前書十章31節）
72. 若一體受苦，百體同受苦；一體受榮光，百體同快樂。
（哥林多前書十二章26節）
73. 所以，我所疼的兄弟啊，恁著堅固，無搖油，常常盡力佇主的工；因為知恁著磨佇主的毋是空空。（哥林多前書十五章58節）
74. 若是阮有此號寶貝園佇土的器具，是欲互極大的權能做上帝的，毋是出佇阮。（哥林多後書四章7節）
75. 所以，阮無餒志。阮的外體雖然敗壞，若是阮的內心日日換新。因為阮目矚久輕輕的艱苦，是給阮成上等上、永遠的大榮光。因為阮毋是看佇所會看見的，是看佇所繪看見的；因為所會看見的是暫時，所繪看見的是永遠。
（哥林多後書四章16-18節）
76. 所以人若偈佇基督，就是做新創造的，舊的代誌已經過去，今攏變成新的。
（哥林多後書五章17節）
77. 莫得家己錯誤，上帝繪侮慢得。因為人所撒的是甚麼，伊也欲收彼號。
（加拉太書六章7節）

與神有約百分百、熟讀經文一百節（台漢本）

78. 上帝會行做過佇咱一切所求所想的，就是照伊所運行佇咱的權能。
（以弗所書三章20節）
79. 凡事謙遜、溫柔、用吞悞，佇仁愛相寬容，用和平相結聯，致意守聖神所賞賜的合一。（以弗所書四章2-3節）
80. 恁的嘴攏毋通講出垃埯的話，獨獨著講好話，照及時的欠缺來造就伊，互聽的人得著恩典。（以弗所書四章29節）
81. 一切的苦毒、怨恨、受氣、喧嚷、誹謗，以及一切的惡毒，攏著對恁中間除去。（以弗所書四章31節）
82. 所以，恁著用上帝全副的戰甲，互恁佇風險的日抵當會住，到恁已經做成攏總的事，也猶原倚在。（以弗所書六章13節）
83. 獨獨恁行代誌著合佇基督的福音，互我豈採來見著恁，抑是離開恁，會聽見恁的代誌，就是恁佇一個神倚在，用一心為著福音的信相及出力。
（腓立比書一章27節）
84. 兄弟啊，我無掠家己做已經得著，獨獨專務一項，就是殮記得後面的事，致意頭前的事，向所插的標來走，到得著上帝佇基督耶穌對頂面召咱的賞。
（腓立比書三章13-14節）

與神有約百分百、熟讀經文一百節（台漢本）

85. 一概莫得掛慮，獨獨萬事著用祈禱、懇求，及感謝，將恁所求的排列佇上帝。
就上帝的平安、躉過一切人所想會到的，欲佇基督耶穌保守恁的心恁的念頭。（腓立比書四章6-7節）
86. 我知影倂佇卑賤，也知影倂佇富足；或是飽，或是枵；或是富足，或是缺欠，凡事我攏老練。（腓立比書四章12節）
87. 倂佇賞賜我氣力的，我事事攏會。（腓立比書四章13節）
88. 著常常歡喜，著祈禱無息，凡事感謝；因為此個是上帝倂佇基督耶穌向恁的旨意。（帖撒羅尼迦前書五章16-18節）
89. 莫得因為你的少年，互人看輕，著佇講話、佇行做、佇仁愛、佇信、佇清氣，做信的人的模樣。著致意讀冊、勸勉、教示，到佇我來。
（提摩太前書四章12-13節）
90. 著謹慎你本身以及你的教示，常常關心佇諸個事；因為按呢行，就欲救你本身，及聽你的人。（提摩太前書四章16節）
91. 因為上帝所賞賜咱的，毋是驚惶的心神，就是權能、仁愛、守己的心神。
（提摩太後書一章7節）
92. 你著致意互上帝看你做可取的，做免見誚的做工人，照正意來開拆真理的道。著閃避粗俗的虛詞。（提摩太後書二章15節）

與神有約百分百、熟讀經文一百節（台漢本）

93. 所以，莫得棄揀恁好膽的心；因為這有大報賞。恁要緊著吞悞，互恁已經行上帝的旨意，後來通受所應允的。（希伯來書十章35-36節）
94. 信就是所向望者的實在，及未看見的事的憑準。（希伯來書十一章1節）
95. 獨獨著用信來求，攏無僥疑；因為僥疑的人，譬喻親像海湧互風拍，來起落。（雅各書一章6節）
96. 恁著相對認罪，相替祈禱，通得著醫好。義人的祈禱，伊的力量有大功效。（雅各書五章16節）
97. 所疼的兄弟啊，佇恁中間所有親像火的試煉，毋通奇怪伊（那親像抵著非常的事）；獨獨著因為有份佇基督的艱苦，來歡喜；互恁也佇伊榮光顯現的時，歡喜快樂。（彼得前書四章12-13節）
98. 恁用凡所掛慮的交付伊，因為伊關心佇恁。（彼得前書五章7節）
99. 閣咱若照伊的旨意有所求，伊就聽咱，這是咱佇伊面前所有的好膽。（約翰一書五章14節）
100. 個無閣柁，也無閣嘴乾，日及一切的熱燴焔著個。因為座位中的羊羔欲做個的牧者，導個到活的水泉；閣上帝欲對個的目調拭去個攏總的目屎。（啟示錄七章16、17節）